



## Peersjberiech van 't Gruutsj Jeugprinsepaar 2017 van C.V. de Sjlaaibök-Amie



Op zondag 5 fibberwarie 2017 woort in Gemeinsjapshoes d'n Amyerhoof oetgerope tot:

### **59<sup>ste</sup> Jeugprinsepaar van C.V. de Sjlaaibök Prins Thijmen d'n Iersjte en Prinses Renée**

In 't jaor 2017 heit C.V. de Sjlaaibök de ier uuch 't Jeug Prinsepaar veur te maoge sjtëlle.

Prins Thijmen d'n Iersjte is de zoon van Astrid en André van Wageningen en woent same mèt zien awwersj, zien broor Max aan de Sparrenhoven 6.

Prins Thijmen is iemes dèh diech de oere van de kop klets en van 's möriges tot de aovend eine groete lach op zien geziech heit.

Heer is ouch erg sjportief, want heer kin al vööl technische truukskes beej 't tennisse en zondags sjpartelt heer in 't Geusselt zjwumbad.

Muzikaal is óze Prins ouch, want heer sjpöölt gitaar en heet 'n eige boy band opgeriech.

Technisch sjteit heer ouch zien menneke met bouwe, knutsele en 't oetvinde van oplossinge veur groete en kleine ingewikkelde probleme.

Prins Thijmen zal dit jaor zien eige verhaol maoge sjrieve wie 't is um Prins te zien, want eige verhaole make kin heer es de bèste.

Prinses Renée is de dochter van Inge en Ronald van Hengel en woent aan de Karposthegge 4, same mèt häör awwersj en broor Lucas en zuster Dianne. Zie is erg sjportief, want es fanatiek hockeysjter beej MHC rent ze met häöre sjtick 't veld op en neer. Geer kint häör ouch vööl boete tege kome of op ein van de logeerparteikes met häör vriendinne. Sjnöppe deit zie neet, meh veur 'n werreme sjokomel en chips wèlt zie 'n oetzundering make. Es ze neet boete is, kint geer häör thoes vinde es zie bezig is mèt knutsele, bouwe met knex en kapla.

Oze Prinses weit ouch eeders kier get nuijts te bedinke veur 't sjele van mine crafts.

Danse deit zie ouch geire, want vanaaf groep 3 is zie al óze jaorlèkse artiest op de kinderzitting.

Prins Thijmen I en Prinses Renée zitte alle twie in groep 7 van Basissjaol Amie.

Zie goon uuch veur mèt hunne lach, oetsjtraling en sjportieve geis en sjpontaniteit en bouwe same aan de Amiese Karneval van 2017 es 59<sup>e</sup> Jeugprinsepaar. De luij van Amie zien gewaarsjowd; want 't Prinsepaar 2017 van de Jeugkarneval zien twie sjportieve kanjersj en goon es Jeugprinsepaar 2017 same mèt 't Groet Prinsepaar alle bals in Amie bezeuke. Zie zalle mèt hunne sjlager "Vastenaovend in Amie is OK" ederein entamere veur de Amiese Karneval van 2017.

#### **TITELATUUR JEUGPRINSEPAAR 2017**



**HERTOG VAN DE SPARRENHOVEN TOT DE AMYËRHEI**

**OETVINDER VAN ALLE OPLOSSINGE: GROET EN KLEIN**

**BURGGRAAF VAN GITAAR EN SJNAAR**

**GROOTMEISJTER VAN DE TOPSPIN**

**BESJERMHIER VAN DE GULLE LACH EN 'T GOOD HUMEUR**

**GRAVIN VAN DE KARPOSTHEGGE TOT DE AMYERHOOF**

**HERTOGIN VAN DE HOCKEYVELDEN**

**GROET KONSTRUKTÄÖR VAN ALLE KNEX, KAPLA EN KARTON**

**JOONKVRUW VAN ALLE MINE CRAFTERS**

**BESJERMVROUWE VAN DE DANS, LOL EN PLEZEER**